

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Broj: T04 0 KT 0064395 25
Zenica, 17.09.2025. godine

OPŠTINSKI SUD TEŠANJ
-Sudija za prethodno saslušanje-

Na osnovu člana 45. stav 2. tačke i), člana 241. stav 1. ZKP-a F BiH, p o d i ž e m

O P T U Ž N I C U

Protiv:

1. T. A., zvani „T.“, , neosuđivan
2. D. A., osuđivan presudom Općinskog suda u ... broj: ... od 15.12.2021. godine za krivično djelo iz člana 239. stav 3. KZ F BiH na uvjetnu osudu, kazna zatvora u trajanju od tri mjeseca, uvjetno jedna godina i presudom Općinskog suda u ... broj: ... od 24.12.2024. godine za krivično djelo iz člana 286. stav 1. KZ F BiH, na uvjetnu osudu, kazna zatvora u trajanju od tri mjeseca, uvjetno jedna godina,

Što su:

T. A., sam:

1. dana 20.06.2025. godine oko 21,45 sati, na području općine Tešanj, na magistralnom putu M-4 Doboj – Teslić, u mjestu ..., gdje je formiran kontrolni punkt-lijevak od strane PS Tešanj i Specijalne policijske jedinice Zenica radi vršenja kontrole vozila i učesnika u saobraćaju, a nakon što je policijski službenik PS Tešanj S. E. dao signal da se zaustavi pmv marke „...“ reg. oznaka ..., vlasništvo U. A., kojim je upravljao T. A., dok se na mjestu suvozača nalazio se D. A., te isto vozilo potom preusmjerio prema policijskim službenicima PS Tešanj B. N. i P. A., T. A. i D. A. znajući da u vozilu posjeduju jednu pvc vrećicu sa sadržajem bijele materije i jednu pvc vrećicu sa sadržajem biljne zeljaste materije, silom spriječio službenu osobu pri obavljanju poslova javne sigurnosti-policijskog službenika u obavljanju službene radnje, tako što je T. A. upravljajući pmv, a u namjeri da spriječe policijske službenike PS Tešanj P. A. i B. N. u obavljanju službene radnje izvršenja saobraćajne kontrole nad njima, oglušili se na jasan znak policijskog službenika, a nakon što su prethodno usporili kretanje vozila ne zaustavljajući se ponovo povećali brzinu kretanja vozila prema policijskim službenicima P. A. i B. N., koji su se nalazili ispred njega, manevrišući vozilom lijevo-desno, znajući da takvom vožnjom ugrožavaju njihov život i tijelo, usljed čega je vozilom udario P. A., koji je od siline udarca pao na poklopac motora vozila, da bi u tom trenutku B. N. uzeo P. A. za ruku i povukao ga kako bi spriječio da padne pod vozilo, te uslijed te radnje P. A. pada na asfaltnu podlogu, a B. N. pada na poklopac motora, kojom prilikom P. A. zadobija lake tjelesne povrede u vidu nagnječenja lijevog lakta sa oguljotinom kože na istom i nagnječenje i

krvni podliv lijeve natkoljenice, a B. N. lake tjelesne povrede u vidu nagnječenja desnog lakta, iako je znao i bio svjestan da na taj način sprječava službenu osobu u vršenju službene radnje, a što je i htio, nakon čega su se udaljili u pravcu mjesta M., da bi se policijski službenici uputili u potjeru za istim, kojeg su zajedno sa D. A. potom pronašli u blizini mjesta Dž. P., gdje su isti lišeni slobode,

Dakle, silom spriječio službenu osobu pri obavljanju poslova javne sigurnosti u vršenju službene radnje pri čemu je službena osoba lako tjelesno ozljeđena,

2. dana 20.06.2025. godine oko 21,45 sati, na području općine Tešanj, suprotno odredbama člana 4. stav 1., 2, 3. i 5., a u vezi sa članom 19. Zakona o sprečavanju i suzbijanju zloupotrebe opojnih droga BiH, iako je bio svjestan da je posjedovanje opojne droge zakonom zabranjeno, što je i htio, pa je neovlašteno posjedovao jedan prozirni pvc paketić sa sadržajem zeljaste materije, neto težine 22,796 grama, za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC) poznatija kao opojna droga „cannabis“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koju drogu je dobrovoljno predao policijskim službenicima prilikom zaustavljanja i kontrole u ulici ..., o čemu mu je izdata potvrda o privremenom oduzimanju predmeta,

Dakle, neovlašteno posjedovao opojnu drogu,

D. A., sam:

dana 20.06.2025. godine oko 21,45 sati, na području općine Tešanj, suprotno odredbama člana 4. stav 1., 2, 3. i 5., a u vezi sa članom 20. Zakona o sprečavanju i suzbijanju zloupotrebe opojnih droga BiH, iako je bio svjestan da je posjedovanje opojne droge zakonom zabranjeno, što je i htio, pa je neovlašteno posjedovao jedan prozirni pvc paketić sa sadržajem bijelo-žute praškaste materije, neto težine 6,536 grama, za koju materiju je vještačenjem utvrđeno da sadrži psihoaktivnu komponentu amfetamin poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koju drogu je dobrovoljno predao policijskim službenicima prilikom zaustavljanja i kontrole u ulici ..., o čemu mu je izdata potvrda o privremenom oduzimanju predmeta,

Dakle, neovlašteno posjedovao opojnu drogu,

čime su T. A. pod tačkom 1. počinio krivično djelo „Sprječavanje službene osobe u vršenju službene radnje“ iz člana 358. stav 3. u vezi sa stavom 2. i 1.KZ FBiH, a pod tačkom 2. krivično djelo posjedovanje i omogućavanje uživanja opojnih droga iz člana 239. stav 3. KZ F BiH, a D. A. krivično djelo posjedovanje i omogućavanje uživanja opojnih droga iz člana 239. stav 3. KZ F BiH.

Radi toga, s t a v l j a m

P R I J E D L O G
dokaza koje treba izvesti

IV Na osnovu člana 239. stav 4. KZ F BiH, predlažemo da se od T. A. oduzme opojna droga cannabis neto težine 22,758 grama preostala nakon vještačenja, te od D. A. oduzme opojna droga amfetamin neto težine 6,502 grama.